



SARAJEVSKI OTVORENI CENTAR

Senat Univerziteta u Sarajevu
Nr članova i članica Senata Univerziteta u Sarajevu
Zmaja od Bosne 8
Kampus Univerziteta u Sarajevu
71 000 Sarajevo
Bosna i Hercegovina

Sarajevo Open Centre
Sarajevski otvoreni centar
Čobanija 12
BiH · 71000 Sarajevo

Email office@soc.ba
Tel. +387 33 551000
Fax: +387 33 551002

Vladana Vasić
*Koordinatorica programa/
Programme coordinator*

Email vladana@soc.ba
Mobile +387 65 358006

Dopis broj: I - 136/16

18.03.2016.

PREDMET: Zahtjev za reakciju na homofobne i diskriminatorne izjave, te smjenu
predsjednika Studentskog parlamenta Univerziteta u Sarajevu

Poštovani_a,

Kontaktiram Vas u ime Sarajevskog otvorenog centra, nezavisne organizacije civilnog društva koja teži osnažiti LGBTI (lezbejke, gej, biseksualne, trans* i interspolne) osobe i žene kroz jačanje zajednice i građenje aktivističkog pokreta. Sarajevski otvoreni centar takođe javno promoviše ljudska prava LGBTI osoba i žena, na državnom, evropskom i međunarodnom nivou zagovara unapređivanje zakonodavstva i javnih politika u Bosni i Hercegovini i puno poštivanje ljudskih prava i društvenu inkluziju LGBTI osoba i žena. Ovim putem obraćamo Vam se sa željom da javno osudite i adekvatno reagujete na javno kršenje ljudskih prava LGBT osoba pod okriljem Univerziteta u Sarajevu.

Naime, predsjednik Studentskog parlamenta Univerziteta u Sarajevu Haris Zahragić svojim istupima u javnost, kako na društvenim mrežama, tako i u medijima u odbrani svog stava direktno je pozvao na medikalizaciju i *obilježavanje* LGBT osoba u BiH, te time poticao na diskriminaciju i indirektno opravdavao nasilje nad ovim osobama. Mada je u svom stavu naveo da ne smatra da je bilo kakvo nasilje opravданo, svim svojim javnim izjavama gospodin Zahragić uradio je sve u svojoj moći da prenese netačne i zastrašujuće stavove, stereotipe i predrasude koji su razlog historijske marginalizacije LGBT osoba u svim društвима, uključujući i bosanskohercegovačko. Nedopustivo je da osobe koje uživaju visoko povjerenje jedne grupe, u ovom slučaju studenata, te zastupaju njihova prava i interese, javno i iznose i opravdavaju korištenje govora mržnje i diskriminatornih stavova. Statutom Studentskog parlamenta Univerziteta u Sarajevu isti se definiše kao nepolitička, nestраначka, nevladina i neprofitna organizacija koja poštuje načelo jednakosti svih građana te svačija prava i slobode nezavisno o rasi, boji kože, spolu, jeziku, vjeri, političkom ili drugom uvjerenju, nacionalnom ili socijalnom porijeklu, imovini, rođenju, obrazovanju, društvenom položaju ili drugim osobinama. Nedopustivo je dakle da predsjednik ovakve organizacije

svojim istupom u javnost iznosi stereotipe i netačne informacije, koristi uvredljve i ponižavajuće pojmove, klasificira ljudska prava prema važnosti, te uspoređuje nečiju seksualnu orientaciju s lopovlukom i omalovažava borbu za ljudska prava bilo koje osobe.

Gospodin Zahiragić može tražiti da ga se ne klasificira kao heteroseksualnu osobu jer je on kako navodi "normalan insan" upravo zato što ima privilegiju pripadati heteroseksualnoj društvenoj većini koja je pošteđena vječnog etiketiranja, marginaliziranja, propitivanja, diskriminisanja, pa i nasilja zbog jedne od svojih ličnih karakteristika, čije se postojanje i pravo na traženje svojih ljudskih prava ne dovodi u pitanje i ne potiskuje u čošak na način na koji to on sam radi LGBT osobama. Navođenjem da bi LGBT osobama trebalo "**medicinski i društveno pomoći**" gospodin Zahiragić vraća nas u vremena kada je dušebrižnost i želja da se LGBT osoba "pomogne" opravdavala mučne i nerijetko pogubne medicinske eksperimente nad LGBT osobama. Upravo kao rezultat takvih višegodišnjih eksperimenata, naučnici su, a za njima i Svjetska zdravstvena organizacija došli do stanovišta da su homoseksualnost i biseksualnost zapravo prirodne varijacije ljudske seksualnosti, jednakoj kao i heteroseksualnost, te da ih se niti može, niti treba liječiti..

Kao dio organizacije koja "*želi da otkloni strahove i zadovolji potrebe - nadanja studenata, da bude pravi servis studentima u rješavanju problema i realizaciji projekata, da iskreni rad i trud rezultira kolektivnom studentskom srećom i zadovoljstvom*" gospodin Zahiragić upravo ovakvim svojim izjavama pokazuje da barem za vrijeme njegovog mandata, u Studentskom parlamentu Univerziteta Sarajevo nema mjesta za LGBT studente i studentkinje, te umjesto da otkloni strahove studenata koji nerijetko doživljavaju diskriminaciju zbog svoje seksualne orientacije i rodnog identiteta, upravo radi suprotno šaljući im poruku da im SPUS neće biti saveznik u borbi protiv kršenja njihovih ljudskih prava, te da ova organizacija ne zastupa njihove interese. Prema istraživanju Brojevi koji život znače Sarajevskog otvorenog centra o potrebama LGBT zajednice u BiH diskriminaciju u obrazovnim institucijama i na radnom mjestu doživjelo je čak 62,6% LGBT osoba.

Smatramo da predsjednik jednog "*krovno, legalno i legitimno demokratski organiziranog udruženja, sa ciljem da zastupa, promoviše, štiti i ostvaruje interes i prava studenata, te doprinese poboljšanju studijskih i socijalnih odnosa, kao i da razvija druge interesne aktivnosti studenata Univerziteta u Sarajevu*" ima dodatnu odgovornost za poticanje tolerancije i izgradnju inkluzivnije sredine u Bosni i Hercegovini, tim više što su svi članovi i članice Studentskog parlamenta obavezani **Etičkim kodeksom Univerziteta u Sarajevu** koji kao jedno od svojih temeljnih načela navodi da:

"Načelo jednakosti i pravednosti čini osnov ponašanja svakog člana/članice Univerziteta i podrazumijeva isključenje svakog vida diskriminacije, zlostavljanja, iskorištavanja ili uznemiravanja. Univerzitet ima dužnost da osigura uslove rada za ostvarenje načela jednakosti i pravednosti i koji će svim članovima/članicama akademske zajednice osigurati jednake uslove za ostvarivanje profesionalnih obaveza, iskazivanje intelektualnih sposobnosti, te napredovanja. Članovi/članice univerzitetske zajednice ne smiju zloupotrebljavati svoj autoritet i ne smiju dopustiti da lični interesi i odnosi umanjuju efekte objektivnog i profesionalnog prosuđivanja i tako ugroze etičko i profesionalno obavljanje radnih obaveza."

Etičkim kodeksom Univerziteta u Sarajevu također se **nedopustivim ponašanjem** definiše: „*Svaki oblik neposredne i posredne diskriminacije zasnovan na religiji, etničkoj i nacionalnoj pripadnosti, rasi, spolu, spolnoj orijentaciji, imovinskom stanju, porijeklu, porodičnom statusu, trudnoći, invalidnosti, tjelesno.*“ i „*Svaki čin neprimjerenog ponašanja ometa obavljanje radnih zadataka ili smanjuje kvalitetu života te osobe. Svaki čin, pojedinačan ili ponavljan bilo verbalni ili neverbalni ili fizički kao i stvaranje neugodnih i neprijateljskih radnih i obrazovnih okolnosti dovodi do zastrašivanja i ometanja druge osobe.*“

Gospodin Zahiragić svojim javnim istupom je ne samo prekršio Statut Studentskog parlamenta univerziteta u Sarajevu, Etički kodeks Univerziteta u Sarajevu, nego i Zakon o zabrani diskriminacije jer je dajući izjave kao što su; **„Pa bilo je tu i normalnih ljudi koji su bili ugroženi, zašto njih diskriminišete? 100% je bilo, kako su ta četvorica mogli znati ko je peder a ko nije, pa ne piše na čelu. Premda bi možda I trebalo označiti ih, čisto da ih se može kloniti (ne napadati ih) nego bježati od njih, ne daj Bože bolečuga raznih.“**

Ja sam normalan, a pederizam, silovatelji, općenje sa djecom ili životinjama - sve su to bolesni ljudi.“ i kako je on proveo svoje naučno istraživanje te došao do zaključka da je „**pederizam sistemski i zarazna bolest**“, te kako se LGBT osobama treba „**medicinski i društveno pomoći**“ jasno i javno iznio svoj stav kako LGBT osobe treba medikalizirati i segregirati od ostatka društva, možda nesvesno aludirao na nacističku ideologiju kada su osobe različite seksualne orijentacije i rodnog identiteta zaista obilježavane što je dalje dovelo do talasa nasilja i državnog progona ovih osoba, te samim tim pozvao na diskriminaciju i segregaciju ovih osoba, povrijedio njihovo lično dostojanstvo i stvorio neugodne i neprijateljske obrazovne okolnosti za LGBT osobe u okviru Studentskog parlamenta Univerziteta u Sarajevu..

Smatramo da osoba koja na ovaj način iznosi i formuliše svoje stavove ne bi smjela obnašati funkciju predsjednika Studentskog parlamenta Univerziteta u Sarajevu s obzirom na načela kojima se vodi i ulogu koju ova organizacija treba obnašati, te tražimo da se Skupština Studentskog parlamenta Univerziteta u Sarajevu i sam Univerzitet u Sarajevu ograde od ove izjave i osude ovakav govor i ponašanje predsjednika gospodina Zahiragića, te da ga smjene s funkcije koju trenutno obnaša.

S poštovanjem,

Vladana Vasić
Vladana Vasić
Koordinatorica programa //Sarajevski otvoreni centar

